


Mañan tin e apertura oficial di Centro di encuentro "Sonrisa"



ORANJESTAD (AAN) -- Bon por bisa cu Centro di Encuentro "Sonrisa" ta un sueño cu a bira realidad y cu mañan, diasabra 14 di november, ta habri su portanan oficialmente.

Centro di Encuentro Sonrisa a worde funda na año 1990 door di un grupo di mayor di personanan cu un limitacion mental, y actualmente e ta e organizacion di mayor di mas grandi cu ta existi na Aruba. Danki na perseverancia, motivacion, trabao duro y cu ayudo financiero di Cede

Aruba, Sonrisa su meta specifico a worde logra y su apertura oficial ta mañan, diasabra 14 di november. E asociacion di mayor Sonrisa ta miembro di CAM-RODD (Caribbean Association of Mental Retardation and Other Developmental Disabilities) y ATHA (Asociacion Trabao pa Hubentud na Aruba).

METANAN DI E CENTRO:

Centro di Encuentro Sonrisa ta habri pa tur hende- cu ta

interesa of cu ta buscando informacion pa cu personanan cu un limitacion mental. E meta principal ta pa realiza integracion.

Metanan en general ta pa realiza tur loke ta na bienestar di personanan cu un limitacion mental, na mayornan, famia, amigonan y nan ambiente.

Meta specifico ta pa atraves di e Centro di Encuentro, haci lo maximo pa logra cu nan vision, mision y filosofia.

E VISION:

Pa cada persona cu un limitacion haya oportunidad igual pa eleva su mes y asina desaroya respet propio.

E MISION:

Pa tur organizacion cu ta dirigi nan mes riba bienestar di personanan cu un limitacion traha hunto, pa asina realiza e interesnan di tur e personanan aki.

E FILOSOFIA:

Duna oportunidad igual, den Siglo XXI, na tur persona cu un limitacion. Esaki e Centro kier logra door di pone mas atencion riba e siguiente aspectonan: educacion, educacion di mayor y comunidad, dunamento di servicio, empleo, vivienda.

LOKE E CENTRO

TA OFRECE:

Loke e centro tin di ofrece ta: informacion pa medio di buki, revista y video; asistencia den busca di informacion specifico, posibilidad di reaccion y dunamento di curso, posibilidad di reaccion y dunamento di curso, encuentro social, ano-

chi informativo, tayer di trabao y/of seminario, espacio pa reuni, y oportunidad pa huur sala na otro hende.

Dentro di poco nan lo ta ofreciendo: espacio pa hunta (speeltuín), wega teca, cuido pa tempo cortico, central di baby-sit, centro di documentacion.

PA TUMA CONTACTO:

Centro di Encuentro Sonrisa ta situa na Pavilla 19-B, numbernan di telefon ta: 836296 y 836297. Fax: 836295.

Horario: habri den siman di dialuna pa diabierna di 8'or di mainta te 12'or traimerdia, y di 1'or pa 5'or di atardi.

Durante actividadnan of reunion den siman y fin di siman ta habri te 10'or di anochi.

PA AYUDO

Centro di Encuentro Sonrisa mescos cu tur instancia di indole social sigur lo tin mester di ayudo financiero.

Personanan cu tin e boluntad di haci donacion por haci esey riba e cuenta bancario di INTERBANK: 58.38.28.429/12.06.39.013.

Sonrisa ta saluda cordialmente su miembronan y ta invita esnan interesa pa inscribi na e Centro of cerca un di si miembronan di directiva.